

## 1. UVOD

Zarazna bolest je bolest čije je sprečavanje i suzbijanje od interesa nadležnih institucija. Epidemija zarazne bolesti je pojava neuobičajnog broja oboljevanja od zaraznih bolesti koji su na listi zaraznih bolesti obaveznog prijavljivanja ili pojava novih zaraznih bolesti koje ugrožavaju zdravlje stanovništva. Zaraženim područjem, smatra se područje na kojem je otkriveni jedan ili više izvora zaraze i koje pruža mogućnost za širenje zaraze. Ugroženim područjem, smatra se područje na koje se može prenijeti zarazna bolest sa zaraženog područja i na kojem postoje uslovi za širenje zaraze. Bolnička infekcija (intrahospitalna) je infekcija koja se pojavljuje za vrijeme pružanja zdravstvene usluge u zdravstvenoj ustanovi ili kod nositelja privatne prakse.

Zdravstveni nadzor nad eventualnim заразним bolestima u nadležnosti je sanitarnih inspektora, te ostalih tijela koji se bave zdravstvenom zaštitom, na granici i drugim mjestima u kojima se vrši carinjenje nad životnim namirnicama i predmetima opšte upotrebe koji se uvoze, kao i sanitarni nadzor na granici nad putnicima, njihovim stvarima i saobraćajnim sredstvima u međunarodnom saobraćaju, itd. u skladu sa posebnim zakonima, potvrđenim međunarodnim ugovorima i međunarodnim sanitarnim konvencijama.

Zakonom o zaštiti stanovništva od zaraznih bolesti propisuje se zaštita od zaraznih bolesti čije je sprečavanje i suzbijanje od interesa za državu Bosnu i Hercegovinu i mjere za zaštitu stanovništva od zaraznih bolesti. Danom stupanja na snagu ovog zakona, prestaje primjena propisa koji su uređivali oblast zaraznih bolesti a koji su se primjenjivali na teritoriju BiH i to: Zakon o zaštiti stanovništva od zaraznih bolesti koje ugrožavaju cijelu zemlju („Službeni list R BiH“ br.2/92 i 13/94), Zakon o zaštiti stanovništva od zaraznih bolesti („Službeni list SRBiH“ br. 36/87 i 18/90) kao i Uredba o zaštiti stanovništva od zaraznih bolesti („Narodni list HR H-B“ broj: 10/94).